

928
コ
10

後村先生大全集

十



Faint vertical text in seal script, likely bleed-through from the reverse side of the page. The text is mostly illegible due to fading and the texture of the paper.

後村先生大全集卷第三十九

詩

竹溪以余得第七孫惠詩次韻一首

衡門忽有滿堂賓皆詫瞿梅抱送麟懶作柳邊退朝
客寧為花下弄孫人小年置膝尤鍾愛晚歲含飴當
食殮吾萬卷書將付汝勝知制誥水銀銀

再次竹溪韻

聊為湯餅會親賓豈敢誇張墮地麟汝若上板曾大
父翁堪下見我先人善和書即傳家寶儒行篇方聘
席珍莫遣父兄被唾笑金根謬改作金銀



送廣師謁竹溪中書五言二首

村老詩顛者顛年八十年後生被傳染引得廣師顛

二

五十有三箇問法向誰邊村老小顛爾竹溪翁大顛

善財參五十
三善知識

挽卓元夫國博一首

仲氏聯芳比酥酪長君獨冷飽蓬鹹五升日糴尤清
苦一枕風來且黑甜儒館誰憐鄭公老賴川空說許
丞庶翔齋平昔知心者細讀新銘筆力嚴

又五言一首



累疏皆中寢孤忠奈衆喙人方袖瓦送君獨舉幡留
不記邯鄲夢猶貪洛社遊而今都已矣慟哭過西州

余丙午燕西板當草某人制累疏留黃
外議莫知君為諸生獨上書明余之心

挽汪守宗博二首

雖則凝香無幾日放條下教得民和迎來境內風謠
美仙去城中巷哭多應似柳侯驅癘鬼又疑包老作
閻羅眼看青史常如此命制於天可奈何

二

還笏歸為負耒農清談常許奉從容易菟孰肯來詢
汝薤水吾無可語公懷惠俱垂峴碑淚薤蘆合有

寢邱封甯人謾課招魂些應伴迂齋返甬東

迂齋亦終于甯

表弟方時父寄荔子名草堂紅若欲與吾家
玉堂紅爭名者次韻謝之

忽有尺書來委巷斷無半顆奉權門且為錦荔支聯
句不記金蓮燭代言頗羨絲毫藹老作未應丹實減
初元明年倍熟平分喫暢殺茲溪與後村

又采荔一首

我已歸尋鳥石路人誰肯顧雀羅門荔三百顆猶能
啖椿八千秋不足言唐貢華清勞歲歲宋蠲驛置惠
元元客詢老子休糧訣丹實漫山更滿村

方甥餉酒酸甚

方奉手牋貽綠醕忽通鼻觀類黃蘗自憐徐邈時中
酒多謝微生更乞醢未敢啐空杯面蟻却愁舞殺
中雞相君五斗安能吸但嗅新醅醉似泥

送趙撫幹趙班珪

貴重元身外物輕薦書從通入都城金閨得路通初
籍玉座臨軒再唱名巖邑古人難錦製長官叔世少
琴聲今皇取法乾淳帝我多由此陟明

生日和竹溪二首

宿昔銀鞍戎覆羈今騎秧馬墾荒田學神仙者丹多

後村先生大全集
具石堂
壞立事功人傳少全誰管靈均初度日都忘彌勒下
生年新皇早晚開宣室定有英才對席前

二

暮年量減怯杯深客餉村醪且淺斟哀情僅存已殘
錦清貧安得未揮金米絃有味餘三嘆丹宸無階獻
六箴番取平生一節竹約公徧訪大叢林

再和

剗騎犢子不施羈老退猶堪學力田疏大夫金雖已
散蘭相如璧偶然全黃河水有曾清日白髮人無再
少年許大乾坤愁塞滿覓無愁只樽前

二

味澆漓酒趣深對花無客亦孤斟飢來肯羨乞墻
貧殺不貪設墓金老齒未妨詩抑戒高譚何似守
箴吾今會得道遙羨懶訪曹溪問少林

三和

斷無小妾坐金羈詩白且伴諸孫懇紙田天子尤尊
方外者少陵盛說飲中仙宮花畢竟非真色朝菌安
知有大年牧豎和聲儂倡首管他王後與盧前

二

歲晚文園渴疾深瞻相北斗不堪斟幸無封禪書番

藁豈有長門賦賣金它日友人定郊謚當時酒客誦
雄箴箕山未是逃名地何處人間有密林

鳳孫余第六孫也早慧忽夭追悼一首

竟失鵝鵝種難求扁鵲醫兩行樗叟淚一本杏塲書
覲謚抱去常回顧呼來尚挽髭案頭莊列子哀至掩
還披

次竹溪韻跋志仁工部柞木詩

莫搜險韻攪枯腸音義時予取斷章吾寡僅能荊破
屋君材真可棟明堂居然挺挺過蒼柏勝似蕭蕭種
白楊識草木名須博覽夜牕燈火恰新涼

再和

白也詩高有別腸棄餘分與老知章鄧林木大堪支
夏謝砌蘭佳况肯堂何必三年猶刻楮便教百步亦
穿楊咸淳天子開文治定起君賡殿閣涼

挽葉寺丞二首

少日思乘博望槎中年歸種邵平瓜力辭驃騎安祠
廩因忤洪羊夫使華互市賈胡共香火專城戰地再
桑麻可憐送老茅山觀空費君王拊髀嗟

二

何待臺傾曲沼平昨朝戶牖上丹青寒花自拆侍中

圃劫火猶存太祝廳托紹遺言那忍負哭憐哀挽不堪聽空令雪鬢龍鍾史東筆來書宰上銘

書事

市朝無處避喧啾思駕飛車事遠遊古志曾云壽多辱前賢亦說耄宜休愈訶彼佛為夷鬼詎罵吾師盜邱安得海波都變酒洗空開闢以來愁

挽吳君謀少卿二首

重瞳親簡擢華髮困招麾汶上吾行矣膠西等棄之翟門羅爵靜魯地泣麟悲意一奇風骨如何不論

唱名曰余與意一立殿下意一見公儀狀曰小侍從

二

吳公卿尚少劉叟耄而迂一任群兒謗相輝九老園客誰哭橫墓友可托醵孤

解半李公

心拆墓陵路終當酌

束芻

五言二十韻別方氏長孫女

中年別作惡大老何以堪我如安昌侯愛女甚於男念汝明當發一夕起再三絕憐汝父貧練裳與蒿蓼不量此藍縷遣嫁彼槐潭古云婦難為采桑自餽蠶冰魚或東笋旦旦營旨甘亦有嗜江水遠汲勞肩擔今汝一何幸琴瑟和且湛虎符舅光寵象服姑尊嚴亭

傳盛供帳吏士羅駢駢汝但謹內則毋使婦德慙晨
昏躬定省富貴勿羨酣百行孝為先彤管垂美談汝
當法淑人情當肖鈇庵汝翁雖在家譬如住精藍不
下趙州床常共彌陀龕願汝福惠全早叶維熊占它
日來歸寧伴我村北南龐老與靈照安知非同參

史藁

雖有隆乾手澤傳空踈豈敢望談遷春秋筆絕經誰
續光嶽氣分材少全老去汗顏慙巧斷向來執手付
遺編文名史學都休矣追誦堯言一泣然

試筆二首

商 昔有卑辭召傅野今無審象求世態衆但更喜
市聲百鳥各喧啾力耕且趣農東作懶出難陪知
遊九萬里天渾是月夜深無伴獨登樓

二

老子歸來作麼生掃空諸有覺身輕觸蛮大戰兩螞
角甫白相酬二鳥鳴煨芋僧高曾約語負苓者點不
傳名世間無過村田樂莫恠龐公懶入城

九日

起瞻宇宙尚陰霾杖策雖東一散懷髮少可堪烏帽
落樽空凝望白衣來插萸兄弟悲終鮮把菊先生喚不

迴猶倚欄杆搔雪鬢老無脚力更登臺

資殿清惠陳公哀詩二首

不比堯夫新悅澤依然迂更舊清羸末年先帝攀髯
恨幾處遺民墮淚碑上自易名真獨斷史當立傳要
雄辭道山堂上分襟句豈料今為絕筆詩

二

清德在人如皦日榮名加我等浮雲漫張贊下青涼
緞不改遼東白布帛老惜平生惟此友吾雖後死愧
斯文昔賢千里懷鷄絮安得陳之董相坟

三

端平元禩王正月我與公同被特招甲午英游小元
祐庚申景運再陳橋可憐轉枕成春夢猶憶聯鞍趁
早朝若見西山詢學子為言衰髮雪蕭蕭

和徐總管雨山堂一首

趁韻哦詩老未工不如總角口吹葱載輜車裏輸伊
輩對畫屏前耍此翁

雜記五言十首

洞達開堂與荒堂說剎塵儒醇明告子釋點熟喘人

二

不必栝棧性安能桎梏身誰知千載下有箇葛天民

三 青天先已去白鶴久方歸若欲分優劣老僖賢令威

四 東行值伯倫西去逢無功不知何國土疑是醉鄉中

五 履霜行于野絕粮厄於陳伯竒父逐子仲尼天戮民

六 追日忍渴走喝月使倒行夸父骨已朽秦皇家亦平

七 客有過吾廬自言師陸朱故應東海若不及北山愚

八 先傳傳後學自覺覺天民魯儒迷甚者何以救迷人

九 荒哉穆天子轍跡徧九垓已寫偃師弄更引化人來

十 愚哲皆根性巫醫各有傳參禪纔一宿學幼費三年

送林若山太傅赴建倅

入誨諸生方樂育出為少尹忽高翔登臨庾月半
處唯諾佚星一點傍暑尾冰廳雖寂寂瞻前鐵壁
堂堂自憐老病詩情減縱寄茶來不合嘗

示同志

旋入洛中新保社稍增汾曲舊田廬市朝幸免髡鉗
 我尸祝何煩俎豆予靜看芭蕉身不實此山云且當
 蕉如芭健忘椰子腹無書故人遠致郵筒餉待約隣翁
 共破除

題舊記顏

憶携束書來京師洛下諸賢頗見推當日難為元方
 弟何處聞有蔡克兒晚節免羞彥回面後生願識李
 邕眉五陵年少欺衰颯不見田光盛壯時

改詩

推敲覓句渾如故卧起詩人始覺衰送老聊題
 頌逢辰曾和柏梁詩今無鮑叔誰知我後有揚雄必
 好之叢藁麻搭鴉蚓黑匹如墨蠟打殘碑

懶

向來樂此不為疲太息龍鍾迫花期鼓未樞三先就
 睡書纔數葉已停披護篝安喜烘衣晏拂袖賓嗔倒
 屣遲一事切身猶自力扶衰抱甕灌園葵

有感

向來涉筆賦長楊辱賜天家七寶牀黃吻少年評
 士白頭宮女說先皇唐人在闕生說玄宗走章臺馬

行本外生...
遊冶攀鼎湖龍竟渺茫縱使老婆強搽抹安能更
入時粧

唐詩

瀛洲學士風流遠中葉唐慙貞觀唐靈武拾遺脫羈
旅開元供奉老佯狂戲苔翡翠非倫擬撼樹此蜂不
搗量賴有元和韓十八騎驎被髮共翱翔

覽鏡

覽鏡無方染白髭垂車有疏叩丹墀故將軍老班師
後村校書貧散學時百歲電光俄變滅一場春夢莫
尋思籬邊尚有開殘菊亂插烏巾策杖嬉

排悶

少携一筇徧行脚老苦把茅聊蓋頭事十八九不如
意身百千億皆有愁彼埋高冢柏下卧此駕小車花
外遊猶恨俗人知去處近城林樾未深幽

歎老

口惟兩齒鬢雙皓百計無如耄及何少壯未嘗參
女衰殘始欲養黃婆原鴿逝去牀誰對遼鶴歸來
漸多客笑儂詩真滯貨太平典冊要聲和

戲題山菴二首

曾批龍鱗將虎鬚君思天大偶全軀入華胥國

夢移太行山得許愚無斂柱頤但樵服有衾覆首
珠襦他時只著深衣去不必防閑發家儒

二

封高四尺寧從險穴錮三泉豈不愚客過唐陵悲石
馬盜穿秦冢得金鳧蛩吟不必人歌挽雞絮那無
弔孤自作銘詩差寶錄免教人謗退之諛

雜興六言十首

羹墻如見堯在謳歌皆之啟賢至行冠冕萬世通
喪編素三年

二

史事十羊九牧古音百鳥孤星前召南塘視草後起
秀巖提綱

三

直翁壽甫踰八叔方年不及希即今高冢麟卧何時
華表鶴歸

四

昔從西山授業屢言後村當仁伯紀蓋同學子履常
真對掌人

五

重來已白髮老獨斷擢紫薇郎雅量雖慙子固熱

不倩君房

六

小臣素著狂直先皇數獎忠嘉叩額有厚倫疏斷腕
無起復麻

七

穆陵聖學高妙詞臣絕企清光大典冊多貽改小字
本通商量

八

希夷一睡一月惜哉肘後不傳擁破衣裘待旦聽殘
更點如年

九

一老遂開九秩諸賢多八八哀扶起風前玉樹吸空
月下金壘

十

吾猶及見諸老今誰可寄斯文有傑材怕尋斧無妙
曾可受斤

挽王孺人

貞潔如圖史纖微到米鹽辟纒窮亦樂反鮓訓尤嚴
封邑纔論誥還鄉尚繡簾自慙銘筆拙何以發幽潛

挽黃德遠堂長二首

雖與長君友居常敬少君何曾錦襖子竟老布襦羣
申白無殊禮程朱有舊聞誰為復齋傳應許附青雲

二

舊宅猶東里新邱宛北邙單雞頻哭友老鶴悔還鄉
齋記曾磋切埋文愧耄荒諸郎真五寶雖死未嘗亡

書牕

跳丸屋角去如馳蠹簡窓間卷復披元老豈無揮玉
塵大儒曾有奮金椎釣牽熬極靈根動芥入牛山傑
木哀白首腐生多感慨愁來時以酒澆之

雜詠七言十首

元老墟墓中得貶諸賢煙瘴裏招魂無盡自誇佛口
眼子厚先拚鬼骨臂堂碑

二

雪蕭太傅幾惟禍訟石中書又納忠豈可朝無宗室
老不知家有國師公

三

回仙輕舉乘白鶴太白大醉騎鯨魚純湖飛過人不
識入海問訊今何如

四

寧草兩都御雲賦不作六朝徐庾詩騰馥沾李翱張

籍殘錦分江淹邱遲

五

文公左目晚羞明猶抱遺經細考評今汝畏書如畏
虎天公折罰使偏盲

六

聰明不及前時久惟鼻猶能嗅臭香老去無端都塞
了不分鮑肆與蘭房

七

造物將如此老何懸車以後景猶多晉劉伶醉戲為
頌楚接輿狂偶作歌

八

周旋王庾二公際傳授并分諸子家間晚歲更無人共
語牛欄西畔荷鋤還

九

老憐幾箇小孫兒不減添丁與阿宜漸有墨鴉掃窠
興絕勝竹馬走廊嬉

十

讀書十行目俱下上樹百回心尚孩君看大年與
叔當日皆從童子來

讀秦紀七絕

黔首死於城者衆杞梁身直一微塵不知當日征入
婦親送寒衣有幾人

二

匈奴驅向長城外當日蒙恬計未非欲被築城夫冷
笑輶涼車載鮑魚歸

三

秦賤儒冠貴鞅斯士生此際命如絲可憐聚議驪山
下駢首趨坑尚未知

四

人所難言敢納忠祖龍雖暴却英雄同時見者皆虜

粉肯活茅焦沸鼎中

五

怒發君山俄見赤威驅海石亦遭鞭儒生曰山東無
盜方士云海中有仙

六

逐客古人先後相絕它柏翳皆蘭陵况書舊德優諸
子呂覽今編八六經

七

通國無人敢挾書嶧山碑自篆蟲魚至今覽者賞奇
古先漢文章已不如

竹溪間道至水南不入城而返小詩問訊

牛屋方將扣角同漁磯亦堪共披蓑即今耆舊多凋
謝從古文章要琢磨一老少曾聞正始六人五已相
元和白頭賴有溪翁伴頌惟高軒不我過

問訊大淵痔疾

秋來日日候雙鳧霍地光陰迫歲除古有客過雄寂
冥今無人問白何如蘇先自說飢餐麩蒙叟曾嗤
得車縱使村翁窮到骨豈無薄醴與枯魚

懷舊二首

盛名豈敢儕三俊痛飲猶堪入八仙屈指淳熙遺老

少到頭元祐幾人全松為明誤天千歲薰與菰并臭

十年立傳臣僚宜自愛追懷此語一悽然中散大夫以上立傳

山先生云參與仕公方而用或某皆曰伯今是立傳臣僚

二

童蒙頗慕舞雩樂老病猶參立雪碑愧我高年成後
殿輸他半夜得單傳著書有子詮中說覆瓿無人守
太玄董薛程仇皆已矣螢窓誰共輯遺編

邱君雙薦前尹古田三年有遺愛邑人以為
可繼陽巖侍郎洪公今尹孝感又將細滿小

詩將行

五言微外彈聲古一點眉間喜色濃去莠甫田成沃
壤種花塞地亦春風民懷惠愛祠鄉祀上奮英明即
墨封不比尋常折楊柳君侯髦士我衰翁

寢室二絕

衆已咄嗟猶待月身堪扶策便尋春漏名牛黨贊皇
黨尚有蒙人苦縣人

二

倦投枕上如鷺老飛入花間與蝶同可惜無人勸衆
叟百年莫出大槐宮

無題二首

怒莫唾師德酒徒奉伯倫吾評此二士顏子後無人

二

季世離相復先賢量有餘路還子方謫坡答致中書

章後也

丙寅記顏六言二首

八十餘戴白老五紀前琢玉郎只愁雷爆丹竈不煩
月照星梁

二

手無太尉玉塵腰無鄂公羽箭一聲喝海潮音一隻
眼巖下電

後村先生大全集卷第三十九

終

後村先生大全集卷第四十

詩

竹溪中評余近詩發藥甚多次韻一首

輦路曾聯花底轡釣磯共著雪中蓑
壁瑕自是難為掩言玷誰云不可磨
煩錦繡腸施月斧洗箏笛耳聽雲和
兩翁弄此窮生活戶外渾無客屨過

三和

經旬積潦慵扶杖拂曉新晴喜晒蓑
掣電光陰難把玩浮雲富貴易消磨
蝸牛廬只依通德虫蠹書猶在善和除
是庸翁名父子別無好事者經過

丙寅贈月逢道人

孝肅以來風力少
今龍圖是恕齋公
憑誰為請南山
判兩箇道人爭一蓬

後村先生大全集卷第三十九 終

後村先生大全集卷第四十

詩

竹溪中評余近詩發藥甚多次韻一首

輦路曾聯花底纒
釣磯共著雪中蓑
壁瑕自是難為掩
言玷誰云不可磨
煩錦繡腸施月斧
洗箏笛耳聽雲和
兩翁弄此窮生活
戶外渾無客屨過

三和

經旬積潦慵扶杖
拂曉新晴喜晒蓑
掣電光陰難把玩
浮雲富貴易消磨
蝸牛廬只依通德
虫蠹書猶在善和
除是庸翁名父子
別無好事者經過

四和

矍鑠翁徒誇被甲玄真子自愛衣簑昏花安得金篦
刮荒落猶將鐵硯磨雄思空湛空自好郊鳴寒苦幾
時和木魚差異炎涼者不鄙柴門夜々過

五和

賓戲兩翁迂闊甚金章換得笠并簑君從老艾傳衣
鉢僕似元城耐搗磨劉器之確搗磨是元祐說歲晚石交惟竹
伴古來曷右待梅和凍泥滑滑村居僻今兩無人肯
見過

六

不羨上公被雉裘寧為野老着牛衣劉器之確搗磨是元祐說
無文思加衰竭薄有時名合折磨幸老舍人工潤色
逢新天子建中和子來猶自商歌在舊友何須裹飯過

七和

盡卸絲鞭并席帽全裝雨笠與煙簑國南秦時壇方
築塞北燕然石未磨本草書雖壽炎帝長繩擊不住
羲和回仙郎在人間萬一飄然袖劍過

八和

趁潮生處先拋網卧月明中不脫簑晚學銅人緘不
語早知鐵漢鈍難磨嘯嘯吾欲多長慶鈎畫君真逼

永和自別燈花看吟草夜闌不覺曉牌過

絕句二首贈月蓬道人過建安謁劉漕中書
兩過道人爭一蓬豈非名號偶然同榜翁賴是無權
朽往問無家鐵壁翁

二

只有破裘禦寒色徧將甜卦賣癡人那知兩箇非師
弟一是鍾離一洞賓

和除字韻問大淵來期

故人有約歎遲久竹榭茅亭自掃除寧載鴟夷訪揚
子揚子云酒箴鴟夷羞蒙狗監薦相如極思座上掃
滑稽腹如瓠

長塵莫賺

更垂魚

三和

林下笋猶供採握門前草又欠芟除絕無
顧時有僧來說六如舊友尋盟將命駕先
垂車今年田海俱中熟處處人家足搯魚

三

四和

亂書案上慵料理長物齋中悉屏除乍可假
甫安能佞佛把隨如虎皮晚歲羞爭席豹尾
屬車冬煖無冰村酒賤肯來溪上共叉魚
扈

五和

客恠村翁老猶健我知造物有乘除曾看鯨海鵬天
了豈比蜂窩蟻垤如舊敬尊公移北斗今為後學指
南車此生只合熏班馬掩鼻人間等鮑魚

六和謝其見訪

薄有雞豚趁墟市寂無烏雀下階除疾馳輕騎御牧
至興盡扁舟激箭如我老幻身聊據槁君豪詩骨可
專車吾聞海上鯨堪膾沮洳何緣有大魚

七和

百家象體皆融液一字陳言亦剷除陋矣小巫步神

禹譬之大戰獲僑如子行給子尚方札吾自乘吾下
澤車本是腐儒非磊落莫嫌窓下註蟲魚

八和

困枯架上畫蘇醒愁倩盃中物破除子美所稱惟白
也仲尼自謂不回如食纔蒸糝寧無肉行以筇杖可
當車聖世未嘗違物性飛潛初不問鳶魚

九和

人見休官欺冷落天將高壽準遷除鑷千莖雪形容
變卸一條冰涕唾如病怕執緩升玉輅辛亥明裡先
緩憐其老難垂服鹽車身間絕喜無拘束巢鶴終

勝似釜魚

十和賀太淵得雄二首

鬱鬱葱葱初抱送驚驚怕怕永銷除
子瞻要待
啼時看介甫曾誇畫不如先敞高門容駟馬旋聞別
館戲羊車中庸詩禮牢局鏞他日親傳板與魚

二

誕育文章家可賀軒渠煩惱障皆除
霜蹄墮地能行矣玉樹臨風必皎如
羣紀伴翁八圖畫儼佟為我御
巾車客中往往煩厨傳倘許携將酒與魚

和竹溪披字韻一首

玉雪面俄成醜老琅玕腹未盡呈披只今衆女容
矜自古十夫能挽推豈有進賢冠繪像亦無靈壽杖
扶衰俚辭聞早安排了未必他人識牧之

二

人夸晚節猶鮮健誰信朝華已謝披
空有朶雲盈篋筒竟無片雪上鉗椎
槁乾毋恠芳菲歇退情常因血氣衰
自嘆龍鍾真髦矣不如茗芋一中之

再和二首

包羞羊借鼻比盖飾貌狙將袞服披
妾去綠衣裳以趨它乘黃屋髻猶推方
開元際唐風盛自建安來漢

道衰舉世紛紛學姚賈老夫持此欲安之

二

古柏每經寒聳秀朝花不待夕離披舉揚壹似德山
棒摧拉過於力士摧化鶴仙歸見孫老感麟翁泣歎
吾衰楚狂難和薰風句聊自歌之舞蹈之

挽陳孺人

卽并真倅之內
理椽應中之母

鄉井公平推內則振垣銘筆寫徽音不煩陶子羞蚶
鮓肯與黔婁共布衾三語未酬將母志九原無負托
孫心擣翁閱世頭如雪二紀前曾挽藁砧

總戎徐侯伯東遠訪田舍贈詩二首次韻

內辭猥索外蒐符巾褐蕭然一老儒床上亂書眠當
枕卷中警句摘為圖和靖雨寒裹飯故人少雪夜
扁舟今世無惟有徐君真好事高軒肯自福之蒲

二

博覽彊通千載事冥搜謬用一生心乾坤劫數有成
毀風月性情無古今君似得吾之骨髓俗方求我以
聲音若非生處殊閩浙把臂相邀共入林

伯東留詩別余次韻

殘生恰似道傍擣匠斧樵柯免剪除撫我幾鬢安箇
字見君一面勝千書貧家僅有雞為黍貴客相過翠

德和先生集

貝石堂

織裾稚子不知新社友却詢座上者誰歟

朔齋竹溪盛稱鑑臺李君談天小詩戲贈

品題經二紫薇公携袖中詩訪老農遠祖似曾為藏
史前身莫便是淳風自憐槁木灰生意絕怕菱花照
醜容但願海鄉魚稻熟耄夫不復問窮通

謝韓孔忠見訪

千林黃落澗冰堅應是江湖作雪天偶有客過居士
室絕無人識孝廉船繡衣二使交章薦黃策諸郎律
賦傳莫向明時嗟不遇乃翁撫蓑子逢年

挽趙母鄭氏

攀桂者聯翩皆由母訓焉摘鬣人共羨出腹子多賢
揮耄三從美哀榮五福全幽明無一憾玉潤自銘阡

挽陳判官

介 建教岩石之父

偶然傾蓋欣初識薦地分襟惜久睽太未謾稱三語
掾上林未借一枝棲空煩擣叟招魂些賴有薇郎積
善題他日廣文燎黃誥原頭鶴表與雲齊

謝王尚賢見訪

字任卿

畏跌始知筇有力怯寒常以衲蒙頭詩名吾不如公
幹清與君何減子猷林下方將分半席江邊作麼返
扁舟豎壇尚有陽巖在豈必擔簦更遠求

和陳生投二首 宗范閩清人

乍可破琴栖剡曲誰能抱瑟立齊門昔廣太液池新
詠今嘆靈光殿獨存摩詰不煩人問疾正咸難為帝
拓寬老農無復供春帖題徧南村與北村

二

華裾乃肯訪衰翁何德煩君贄一通百尺樓真廣陵
後千巖宅在魯家東句中有眼參方見刪後無詩論
未公年少分陰且惜取老夫不覺已頭童

丁卯元日十首

真率會居同社長屠蘇酒讓一家先垂髻孫各欣新

歲華髮翁偏惜舊年

二

暗翁九起茅簷下失喜繁星滿樹梢想泰元尊衰景
貺知新天子講初郊

三

五時初行裡類禮萬金難買歲朝晴老臣縱有甘棠
頌未必朝廷記姓名

四

北閔南盪霽華開輦御端門肆告迴野老相逢談聖
德散齋蔬素到燔柴

五

帝服堯喪禮制終南衙萬玉賀廷中遙知祝了三宮
壽相率回班賀相公

六

禮成雖曰非常慶聖敬居然不已純王女宓妃猶屏
欲光開梅屐訪儒臣

七

別墅棋邊勅敵破上流帳下捷書飛幾年二虎爭雄
長一副為羝一遁歸

八

物貴皆緣自幣輕無身穀腹費經營公卿文學方予
盾黔首何時見太平

九

日寒藥曾萬卷暮年曉景有千絲人言晚節高初
自喜新詩勝舊詩

十

戴白蒼頭醜筆秃無花藻思枯惟有春風不知
年傳粉又拖朱

銘座一首

幸已逃憂責銘座猶思做老荒平日何曾欺闇

室暮年不會議明堂重金身寵生無益賜扇恩深死未忘扈蹕老臣開九袞感今懷舊獨淒涼

送舶使王監丞

琴不鼓携歸浙六轡如絲送入閩魁傑西州今有典司南庫豈無人牙籌何足煩名勝簾席方將問神公幹仲宣從此別遠書莫惜寄漳濱

中嶼省謁二絕

下挾兩拐凍皴身上披三絮非為辟支放登自是龐公上冢去

二

黃純製袍白布袴長鬚扶拜翁翁墓殘骸倘未隨朝露魚菽一年來一度

送林子敬倅武昌

閩外於今有虎臣孰云立國靠江神後車雞塞勒銘客前席龍山落帽人此去青油煩激筆向來赤壁要綸巾遙知崔顥題詩處暇日登樓與拂塵

丁采傑挽詩

文字蜚聲早功名入手遲晚知書誤我時以酒澆之曠野靈均些新墳真曜碑兩翁不在子其必在孫枝贈謝子杰校勘

高比伏生轅固惜九熱瞞賈誼未忠我自號病居士
君無戲盲老翁

二

喚做鼓子慙子管他火星字星造物小兒則劇先生
大醉未醒

三

功名隨露電過文字與星斗垂吾評潞公五福何如
放翁萬詩

用居後第強甫韻二首

老禪和築退居菴識路何須待指南野叟得年今九

九星翁布筭更二三有詩入夢撩靈運無藁藏山愧
史談愚智同歸一坏土管他後世傳非聃

二

先皇親為扁溪庵奎畫煌煌陽世南多病安知年望
九歸耕何幸歲登三新詩有弟聊相屬前事無人與
共談作飲中仙殊不惡何須苦淡學瞿聃

三

了無傑句似平庵謾有高年企渭南潞南伯鐵漢堂
堂纔望八銅人嘿嘿之緘三曾傳鴻寶枕中訣厭聽
狙邱稷下談畫史貌予殊不似清曜安得耳如聃

辭大叢林卓小菴豈知捷徑在終南狂歌不曉花十
八餓死休貪茅四三漢有子雲尤苦思晉惟逸少不
清談君看尼父生知者問了長和又問聃

四和

五和

不腆先疇與破庵在汾水曲管岑南

文中子田廬在手
疏屬之南注云

疏屬山名山海經
云北汾水名管岑

幽栖晚節巢林一蕝草當年及

三酒甕有期春共酌書囊無底晚猶談吾憚紫氣難
瞻矚未暇攀迎柱下聃

六和

歲晚歸休老學菴菴名敢嗟白首滯周南在廷不欠
先翁一開徑寧無益友三地豈長房之可縮天非鄒
衍所能設桓郎狹膠詩師說未必雄書遠過聃

七和

是處皆堪結草庵寧論塞北與江南上林遠賦諷纔
一先範門書獻至三麟獲魯西終聖筆馬浮江左坐
玄談古書疑信常相半何必深疑禦寇聃

八

臨池苦蓋釣魚庵溫公名却笑溫生起水南林下休官
誰見一歲寒取友不過三點黃豈有眉間喜堅白都

無舌本談柱下首陽孰工拙東方元未識夷聃

九和

無住先生獨住菴菴齋得朋猶冀自西南丹心事國
忠無二白首尊師詛在三詩少古風惟近體學慚實
踐謾虛談退之未離乎儒者坐井觀天錯議聃

十和

把茅容膝強名庵宜夏宜冬戶向南雪厄黃精飢杜
二花欺白髮笑陳三后山詞莫莫林休爾儂柏下已
骨朽此老橋中猶手談惟有子長讚深遠諸家類以
淺求聃

十一和

春困齁齁卧蝶蝶菴在徐欠伸跳出大槐南漂搖
不借烏栖一上林多少樹迂拙羞營狡窟三投轄孟
公方痛飲驚筵焦遂勿高談谷神若果能無死秦失
何由却弔聃莊子云老聃死秦失弔之

十二和

懶訪半山雲頂菴荆公詩菴雲且撐一葉泛溪南退
花間漸覺同游少今年看花伴桑下何曾作宿三古
有劉伶呼不醒今無衛玠共誰談五千言是家人語
長笑諸家誤注聃

十三和

素昧清真與順菴吳成伯偶然愛唱望江南世因玉佩

輕秦七少游有玉佩丁東詞為伊川所請天 蓑衣貴謝三叢衣未

卸可憂虞成永歎漢方隆盛勿多談古今大瞻惟蒙

叟不但誣丘又謗聃

贈崇安吳醫德安

家住武夷精舍邊若非悟道必逢仙不為宰相渾閑

事只作名醫也自賢羞與市爭伯休價儘教人負宋

清錢慢亭泉石應如故安得相從刺釣船

和張文學投贈松年

身如老桐樹拱把至于今閱世已焦尾無人知苦心
免隨薪爨盡誤被斧斤尋曾待薰風殿先皇獨賞音

新勳姪宰松溪

麥壠青黃接花封紫阜催汝能馴雉否吾亦割雞來

琴調誰知者租癡豈忍哉試詢縣齋客莫也有澹臺

送趙司理若鈺之官潮州

辨幕資籌筆園扉待雪寃未論公喜怒先為母平反

君壯行其志吾貧贈以言自憐劉跛子不及送前村

再和張文學

安知後來者所作不如今孰可執牛耳君能貫虱心

孤根纔一寸 半山詩一寸 老幹忽千尋 未必子期死 卷前手自後
無人聽古音

送德陳德剛舍試 子龍

不消負笈趣槐黃 解褐惟於孔廟堂 士子堵牆觀 矍圃公卿播笏誦 阿房里中巨擘推 吾子闕下諸生有 此郎鶴髮慈親倚 門待錦標奪得早還鄉

送吳時父侍郎二首

慧燈溥照人幽隱 心秤能權物重輕 士子比之常相 國史民道是蔡端 明來時福蟹非常熟 去日琴龜作 伴行安得四方皆 結輩蒼黔開眼看昇平

二

十行禮促歸荷索 五朵雲飛墮草廬 西北戰塵鋒銳 甚東南民力罄懸 如帝闈宣室初前席 公憶康山舊 讀書問訊少君無 恙否衰殘久不奉雙魚

題金華王山甫吟藁 佳翁前齋子

載贄來相覓 挑燈讀失驚 尊公王逸少 外祖鄭康成 子壯堪傳嫡 吾衰浪得名 江湖有公論 不必問鍾磬

贈日者袁天勳

多識名公與鉅卿 也携贄卷到柴荆 神巫未易覘壺 子太安能筮屈平 且喜天網家有種 不憂日者傳

無名村翁老矣詩全退同社諸人各善鳴

送莊知錄歸觀

彼美佳公子甘為郡督郵鯉庭素鍾愛鳴幕不能留
刻上止一鶚挽回無萬牛李官難久曠來莫待新秋

用洪君疇韻送徐仲晦赴鄉郡二首

君於外物一毫輕七聚爭看錦畫行昔苦銛筭無路
達今欣蠟燭照天明潢池赤子思天活青社飢民待
再生前哲貴分人以德獨清不若衆皆清

二

傳聞君相獎清修印節移來某水邱范孟博非私奏

幼初大夫不避親譽青黃未接宜開廩紅腐無多謾
善事尚可為君努力明時未好說歸休

端午五言三首

綺紈貴家子旗鼓少年場屢舞衆人醉鮮粧一國狂

二

士女匆匆散溪山寂寂然龍舟閑似我閣起向沙邊

三

雜遝今觀渡依稀昔浴沂居人空巷出幾箇詠而歸

又七言三首

蛾眉已被生前妬魚腹猶遭死後誣把似與龍爭角

泰何如隨俗飲菖蒲

二

田翁有酒邀村飲地主存羊餉節儀不喜人題木居士何曾鬼怕艾天師

三

枝上絳英吹欲盡鏡中素髮摘來稀今年過了菖蒲節猶袂香篝著袂衣

次朔齋獻齋兩中書韻題鐵筆堂

椽筆雅宜揮制草鐵心未害賦梅花紫薇閣老昔同省喬木世臣今幾家擯臯吾甘住南阮戎鞍君合扈

東華明時簡擢皆夔高不待還黃與壞麻

送謝晦之溫陵

縱未有康樂猶堪跨惠連生涯懸罄盡詩句彈丸圓古有王官采今無海價傳不知誰著價携去訪心泉和東間丁卯上元日見寄三絕句

昔待重瞳讀考工壬戌勸誦老無隻字予子公故人

化作纍纍冢留得村翁與澗翁

二

身已偏枯無一邊還丹悔不問師傳便教老壽如彭祖僅活人間八百年

三
臂短生來不善緣
那堪年已迫申
轉申公八十時書
字字家人語不似
蒙莊好寓言

又三首

圖二疏歸無畫工
留君嚴去欠文公
卸了尚書呼長者
納遠學士做漁翁
香山有盧長者白尚書之句

二

雪平腰各立師邊
半夜輸君得密傳
伴後村翁成二
老比絳縣人多一
年

三

年高難結草鞋緣
道遠貧無犢負轅
惟有加餐兩箇
字物物衍作百十言

居厚弟生日

赤帝雖然張火傘
素娥亦自湧冰輪
門無賓客臨羅爵
庭有兒孫賀絃麟
晚節抽身還故里
他時留面見先人
星翁未解吾儕意
猶說君王獵渭濱

贈雪山李道人

巧歷推修短前知
定吉凶吾為立標
榜喚做小淳風
二

離亂雪山隔艱難
蜀信通道人能縮
地移取向江東

讀史

絕漢犁庭功可喜與天爭易志堪悲
吠江帝剖為犯去避地民勞若蟻移
河決固非束薪塞厦傾欲以一繩維英雄到了多遺恨孺子林宗百世師

寓言

衣薰三日不歇猶臭十年未已寧為蔚宗香傳不作魏收穢史

三贈月蓬道人

病翁已卸鞍馱矣道人彊欲羈帛之賺汝一雙窮相眼饒吾九十老頭皮

二

此蓬此月屬誰哉送汝挑包謁恕齋說與同名同號者龍圖親為判憑來

後村先生大全集卷第四十 終

後村先生大全集卷第四十一

詩

驥孫晬日

驥子手神水似清
 晬盤拏了太憨生
 語遲未識罷并
 因性慧過如姊
 與兄顧我高明
 慙父祖願兒愚
 魯至公卿何時長
 大勝冠帶處處
 將車捉轡行

次鐵筆堂韻謝朔齋貢餘

皇朝盡却九州貢
 閩薜猶先百草花
 正焙頭綱馳御
 府斜封三印到
 山家祕藏蔡錄珍
 無價蔡錄數本快
 覩仇星遠有華縱
 使搜腸五千卷
 安能視草更操麻

日啖荔枝三百顆不知天罰一隻眼異哉野老白露
團烈於貴人寒食散

次韻別方時父

我於中壘譜相通君喚玄英作祖翁每恨春雲一搏
隔暫欣夜雨對床同為晨門黍談清宿留剡溪舟避
逆風象作紛紛鳴瓦釜黃鐘聊復鼓于宮

病中九首

湯慰兼旬尚未瘳灾生盈滿欲誰尤禁中蓮炬頻宣
鎖閣上蒸燈幾枝解迴嚮真人并大士變教師冕作

離婁何時眸子重清朗短策隨身處處遊

二

捲五紅雲一朵邊抽身偶在衆賢先鶴歸鄉倏三千
藏馬老人酬八百錢雅嘆蒙蒙徒仰視騷稱皦皦者
難全殷勤寄謝文房友願未來生再結緣

三

褚公真蹟勝頑碑曾向三茅快視之一白偏盲常面
壁甚貪小楷廢臨池麤如太尉書薑字俚若蒿師唱
月詩老去無詞并惡禮感今懷昔不勝悲

四

鷓鴣叫方知日出東起瞻宇宙尚朦朧空花之已參諸
老爨電何須似阿戎乍可一燈虛室白絕勝千炬火
城紅瘧人苦愛清涼散道是肝家熱上攻

五

炎官扇虐甚魚烹忽聽簷聲病思清白露降餘天氣
肅碧雲合處暮愁生一秋藥裏相料理百歲書窓幾
暗明他日汗青無事業惟詩猶可竊虛名

六

隆乾先緒微如綫負荷常憂力量輕已矣學農并學
圃非惟慙長亦慙鄉沂源昔漸師友尚齒今誰問

蒼生將如安石何君實可為宜努力了翁自
不須多直今去作循良吏孰若來賡喜起歌

二

間或擊強非果弱未嘗束濕自然嚴起惟吏畏三風
訓先為民蠲再推益時與青油賓唯諾尤於白屋士
勞謙懸知鈴閣清如水瓜李雖微亦遠嫌

挽段夫人二首

馬翔甫樞密之母

斷機手自訓三珠彤史遺芳未必如子貴面槐陪國
論母賢畫荻課兒書百官未講回班禮千乘空多送
奠車曾忝樞庭文字友東芻無路酌邱墟

二
母因子貴滔滔是惟段夫人夏不同丹桂義方如五
竇碧梧典冊繼三洪魚軒甫拜咸寧郡象服未朝長
樂宮何必他人勒阡表家庭自有大宗工

秋思一首

不覺朱明變素商螢穿戶牖燕辭梁宇愁五鼓九難
睡薄冷單衣未易當誰伴子綦同隱几亦無法喜共
禪房殘骸到了猶貪愛仙聖前頭自炷香

遣興二首

酒腸詩膽兩輪囷已病方知愛重身慈母憐絕憐嘔心

味一旦鳴陽警衆聾絕塞擇棲託羈旅行臺設網
英雄朝家記憶起宗父便可吹噓入禁中

二

翁折高枝空月窟子提色筆哭煙樓有司豈不具隻
眼諸老皆當放一頭鵬背方乘御風勢馬蹄肯作看
花游懸知董子天人對一洗平津曲學羞

記醫語

身如桐半死天尚罰枯株昔作紅顏子今為碧眼胡
醫言余日有青暈侵眸子迷蒙銀海眩歌側玉山扶惜尚名書畫
緘膝可謂愚

送強甫赴漳倅二首

因罷各華顛臨分倍黯然吾憎如隔霧汝孝可通天
郡古多文獻廳寒少事摧東岡今召父猶在乃翁前

二

平生受用語祖道試重拈御下慈親恕持身處女嚴
民歌齊相靜守說許丞廉寬作暮年別吾衰勿久淹
贈無菴于道人

無盡空諸有孤立何須同參道人
不置產業

孟家廢菴

昔孟保相日號無菴
穆陵宸翰為書其扁

小雪後二日

吾評世間病至慘莫如盲親友不覿面子孫惟認聲
根存神不死食既魄難生賴有庸齋老書來弔失明

二

一蒼頭贊謁兩赤脚扶行醫柰母吟咏賓喚不送迎
都忘虛室白時夢小窓明回首然藜地誰憐老更生

題陳主學達觀堂二首 薦魚

大觀鵬與鷄小智管并蠡椿苗年脩短夔蛇足少多
交鋒蝸左角森戟蟻南柯惟酒能齊物醺醺合太和

二

華堂需被記老筆豈能工尺鷃飛籬下醯雞舞甕中

形骸均土木利欲等苓通獨學知聞少煩君為擊蒙
和興化趙令君良侍二首

落筆昔傳九天上誅茅今老萬山中殷勤封內種花
令物色畦間拾穗翁道是單傳曾雪立元來一語耶
雷同語君此事須商確唐律尤難似古風

二

自古名高衆責全幾人齎恨到重泉世間鷲叟難
節士謂周侯惜末年扶電駿翻成跛驚鳴陽鳳化作
寒蟬嗟予景薄淹岷矣臨履淵冰尚凜然

挽惠倅黃德樞

盛德尤懷

言可砥愚雖蒙分半席終未

承學爭歌薤傾城出奠芻故交二大老猶可扞

三

不但親朋弔鄉人總涕濡那堪公冢婦遠是我諸姑
龐嫂留封坎嵇孤哭反虞惟應不朽者昭揭在龜趺
次鄉守趙計院鹿鳴韻

幸際龍飛策士年靈巖仙水執鞭先奪標文妙三場

稱勸駕詩高萬口傳昔忝詞臣曾草詔

辛酉科詔某所擬先帝所

改今為鄉老預興賢春風到耳鼇頭選尚可扶衰候

馬前

送人西上

方巖尹父子各一首

華胄惟莆冠七閩陳巖所產必聞人穆陵鳳閣曾分
席朝道麟臺有後身上覽四書方唱嘆子行三策好
條陳明時獨將離曲未數燕山桂與椿晉字巖尹

賀白詞

先飛騰海鷲并天

馬隔結

點首劍神紫氣夜

衝天

一券傳夢華

公徒太行眼切於身存不得可憐半世謾脩方丁晉公表

云補仲山之哀曲盡巧心和傳說之美難調衆口

臺歷

臺歷傳聞兩建寅放燈時候始鞭春不愁窮臘梅開
晚豫喜年來麥食新

得藥謝竹溪一首

不覺昏眊過十旬謁之先聖禱之神室生虛白稀來
客驛致空青累故人病尚研尋書外意耄猶貪愛夢
中身從前計字俱辭去獻歲明朝已發春

再題信菴墨梅

信菴墨戲古無之元氣淋漓爾許奇特與此翁揮匹
楮不為彼相作橫技拙祕藏掃雪輞川畫曾序調羹
泝國詩余嘗序公詩以此濡毫九十老農尤寶惜時時開卷拂
蛛絲

丞相信菴趙公哀詩五首

粵從宣靖至炎興粉飾湖山苑圃增列聖久無師入
洛三京初有使朝陵推鋒指日酋傳首返旆終身
氣拂膺逸少興公虛論勝百年機會更誰乘

二

憶昔東淮羽檄馳非公受鉞國幾危春潮全籍孤舟

渡厦屋曾將一木支着白接離麾猛將坑紅袖襖等
嬰兜揚州遺老聞新訃猶說平山奏凱時

三

出為董統今韓范八告忠嘉古高夔白刃在前裏瘡
戰黃麻拜右掉頭辭去猶耿耿心存闕老尚堂堂表
出師蓋世英豪嗟已矣八哀吟罷有餘悲

四

自是乾坤間氣生吾猶識此萬人英博求駿骨千金
致忽割牛心四座驚古有詩人悼房瑄今無壯士哭
田橫遙知嶽市新華表過者徘徊下馬行

五

丙午遭逢瑟改調先皇記憶忝弓招明揚雖曰由師
錫密啟端因侍燕朝早識武侯比龍鳳晚為公旦序
鳴鵠吾貧豈是無雞酒恨不携將柏下澆

書畫一首

大帝昭回獎叢藁太師行草跋蘭亭篋藏有物為呵
護中襲令兒掌鑰扃日肯端由書作崇心瘕常怕畫
通靈不如鶉結村夫子惟寶蒙求與孝經

題陶穀朝林山樓帖

鸞膠曲子久喧傳烈祖英明素薄馬語草探懷周

後村先生大全集卷第四十二

詩

憶昔

晚過先皇詔起家負金蓮炬紫薇花犯顏屢抗塗歸
疏斷腕難操起復麻愚不入時逃北谷老難待漏守
東華人生惟有村田樂未覺封侯勝種瓜

雜興十首

昇天雖可喜削地已堪哀早知守厠去何須拔宅來

二

早持堅白論晚踏軟紅塵明逸并夷甫初終似二人

地逼難容足天低礙舉頭那堪去梯子誰肯上高樓

四

不肯彈冠起俄從折簡招雖然舐丹藥未免悔青苗

五

做了高官職雙眉皺不開譬如三日婦錦襪著珠鞋

六

開閣何其盛軫行邊寢已疎遠床彈指嘆六丈聖人歎

七

典領天書使脩崇照應祠可憐有遺恨殮不得髡緇

鳴夏高秋響激空翼雖映華冕身自閉雕籠

蝶

言周達理吾以蝶為優無想亦無夢有身長有愁

燕

昔人懷故主李世絕貧交汝勝炎涼者年年歸舊巢

蟻

呼童掃蟻子勿上法堂階渠出賣廳角云參妙喜來

叙倫五言二十首

父子

祀辱中丞世歆臣二姓廷如何出腹子反不以螟蛉

君臣

千古靈胥怒惟知有伍奢安知崇伯子北面事重華

母子

博覽勞九膽精思恐嘔心可憐親養薄難報母思深

祖孫

文若忠於操嘉賓謫事温晦翁嘆難嗣聚星圖贊云嗣守之難古

今所坡老惜無孫

尤弟

友并公旦均為未盡倫吾評千萬世兩箇採薇人

夫婦

翁子妻求訣羞慙婿負薪不知辟疆婦保守灌園人
姊妹

為固續漢史嘆原作楚騷偉哉二女子才學識俱高

叔侄

二王湛齊與二阮咸籍尊幼自相推却恐外人笑免癡叔

亦癡

翁婿

堅猛一時雄猶知有謝公王郎乳臭子敢以婿搨翁

婦姑

晨膳嫌羹薄寒機怪織遲阿家語新婦汝有作家時

嫂叔

澄少危加杖平肥亦食糠劉郎豁如者轅釜未能忘
甥舅

太傅風流祖親朋共手談元來碁有智輸墅與羊曇

婦妯

難泯同胞好每因長舌疎若能諧婦妯九世可同居

長幼

田蚡坐東向貴加諸父兄請渠觀凍水不敢齒者英

朋友

翻覆易管鮑始終難帝腹容加膝劉郎尚歲寒

少全若論死生無愧忤幅巾豈不勝貂蟬

懷舊

蚤從南浦晚南塘二老聯翩返帝旁天上慶雲誰屬
和斗間紫氣久無光已埋玉樹難扶起所寶銀鈎永
襲藏老去悲懽排遣盡猶於師友未能忘

晨起

雞唱鴉啼攬曉眠起煨田舍火爐邊天寒雪閉袁安
戶歲惡江通魯望田已返山林全晚節勿煩郡國禮
高年老臣久不陪朝謁猶記稱觴玉座前

夢回

後林先生集
跳出槐安有底忙何須更待熟黃梁牙籤載返善和
宅手板抽回政事堂效玉川生稱銳漢愛揚處士號
愁即山中豈不差岑寂猶腸人間臭腐腸

春日卽事六言

椒酒枕符改舊麥芒菜甲懷新東皇太乙用事不能
粉飾陳人

二

藻密難呼金鯽柳疎未待黃鸝華髮無重黑理燒痕
有再青時

三

室殿耆英社獨靈光補人惟錦袍爭看前供奉白髮
誰憐老遂良叢藁如山千載後尚堪拈出補詩亡

得閒

率勅放還山祈閒果得閒直令春廡下也勝乞墻間
子美雖存闕淵明且閉關遙憐早朝者推枕恐催班
立春

綵勝矜時節其如兩鬢皤所欣解餘凍已覺扇微和
牧豎眠吹笛漁翁起曬簑土牛蹄角赤休咎果如何
次韻寄題建陽馬氏亦樂園

匹如迂叟洛中園花竹依稀五畝寬梧樹參天棲鳳

集檜根入地螻龍蟠翁求真樂希顏子世著清名慕
卯丹身是雙溪前令尹勝遊蹉過不曾觀

得歸

叔夜形骸已不堪安能扶曳事朝參添十莖雪希臨
鏡省一條冰細暑銜續補亡詩存古意廣崇有論矯
清談暮年堅壁惟東澗老子方渠未免慙

和鄉守趙計院燈夕韻

厨傳終年省餞迎萬金難買上元晴首歛幽俗祈年
雅遙和堯民擊壤聲庭少銛甬知訟息邊無刁斗喜
時平雌堂清苦倡優拙姑扇仁風慰物情

納履歸來六載強身閒冷看世人忙遠公有酒遲蓮
社錄事無資助草堂柿被鳥殘分亦好別公云鳥殘
紅柿昔曾分
李為螭食咽何妨春山何處無蕨蕨更不須求辟穀方

次韻竹溪中書重脩縣橋二首

古者役人常以冬據經端自紫微公扛輿梁涉猶徒
步龜筮民從見大同不假洛陽抱橋幅宛如震澤卧
波虹春江浩渺風濤急方待先生濟不通

二

仲秋鴻儻迄窮冬鉅麗依稀似蔡公濡足幾年通國
病肯心一片有誰周人言此慶鍾雙鳳天落其成見

兩虹不是坡仙捐寶帶此橋安得往來通

休致

休致後欣榮念薄利名中伏禍機深蘭卿反僅能全
璧疏傳歸纔有賜金福過安知御襪朝回猶嘆負
香衾山中猿鶴休猜怪方表先生鐵石心

憂愛

脫髮清晨雪滿簪把茅不恨八山深安能更作皺眉
事但可聊為擁鼻吟鞭笞難權鹿皮幣害藏誰發裏
踈金暮年未敢忘憂愛喜聽三邊奏凱音

題雜書卷六言三首

小雅衰周所作二南治世之音子虛失之誇大太玄
文以艱深

二

論篤惟昌黎伯史法止太史公誰云孔墨道二但見
聃非傳同

三

若稽古至三萬道德經亦五千俗學見皮膚止聖處
非口耳傳

碧溪草堂六言二首

雖無百官宗廟薄有先人田廬子云飯蔬飲水通也

彈琴著書

二

素隱非君子志獨樂豈賢者心邀陶陸投蓮社放山

王入竹林

次韻竹子彬五言二首

晡暮書窓黑俄瞻貫月虹真知今絕少好本古來同
孤壘吾無技偏師汝策功暗投可借許留取和重瞳

二

短章足光怪天矯暮天虹俗子仙凡判詩人伎倆同
君奚慙有道吾欲訪無功肉眼非弘景何由見碧瞳

有感

我與昔賢生異世晝思夜夢兩微茫掉頭隨霧入東
海被髮乘風下大荒仙伯已尋丹竈地雅川號左武
玄仙伯皇亦返白雲鄉惟應詩卷留天地寶氣雖埋斗有光

公論

公論無過月旦評吾衰安敢主卿盟觸蠻力勸休爭
戰猿鶴相安不怨驚髡彼兩毛呼作友長吾一日敬
為兄前身定是徐先輩延壽溪頭了一生

湯熨

湯熨沉綿弥半載未嘗寸步出村居登翹村館多新

貴歸善和坊守舊書有客嘲揚雄拓落無人問李白
何如腐腸端為肥膿爾且課畦丁力灌蔬

蚊蠅五言一首

蚊集殊難散蠅驅已復回偏能侵枕簟尤喜敗樽罍
恰則噬臍去何曾洗足來化工生育爾豈不甚仁哉
祖母何恭人葬處地狹不能容守冢者過省
拜墓前雨則借方氏庵設位以祭自
先君病之治命以屬予予既孤五十餘年終
不能增尺地插寸椽至咸淳丁卯予年蓋高
自墓下山至官道傍有隙地二十餘畝林木

多合抱予訪之鄰地屬誰氏曰屬春谷子故
人也試以情自言春谷忻然緘券畀予隨於
其所作饗堂以奉香大而棲童行走筆賦詩
以謝春谷

當年草草掩泉扃家集年深失坎銘後裔澆松難盟
薦先君易簣尚丁寧告頻燎也知天定笏已堆床見
地靈便築精廬陳像設大書山券刻碑廳

二

微似錐刀亦苦爭使君諾重萬金輕布衣不以山分
客垂太傅曾將墅乞甥李世炎涼幾市道古人生死

見交情與公到老宜同社倡率鄉人遜畔耕

少陵子

驥子能兒俱早慧可憐失教遂紛紛驢邊雞柵猶云
可文選安能勝魯論

昌黎子

渥洼駒孰非龍種丹穴雛皆是鳳毛却恠韓公產韓
昶不如枚叔有枚臯

後村先生大全集卷第四十二終

後村先生大全集卷第四十三

詩

觀社行用賈之韻

吾家世南折簡呼有日昌不見子都牽衣况復幼吾
幼閉戶大似愚公愚鮮粧袷服出空巷鈿車綉轂來
塞塗展烏絲欄擁小玉設錦步障盛綠珠爾時之病
叟亦隨喜携添丁即便了奴非惟兒童競唾笑更被
傀儡傍柳榆平生不識琥珀枕况敢擊碎珊瑚株
言香火一埽霍漸覺風俗倅徽衢一國若狂孰醉醒宋玉
奚必譏登徒殺牛欲賽西鄰祭若狗鬪晒東門儒恍

然墮在化人境又似跳入仙翁壺麟臺學士固窮者
歲晚與婦爭禪襦獨餘太乙舊藜杖夜牕炯炯供清
驢平明踐淖行百里輕快勿假靈壽扶安石出山不
免耳德公入州破戒無矧君口素銜清議紛紛詢子
愁斧誅如齊而觀竊未喻或曰有心擊磬乎君如精
金豈易鏖十年風雪快饗虛粵人自昔尚巫鬼魯
俗何曾廢儺較渠能七步追險韻聊復一吸空罰爵
北風清塵宿泥乾西日漏光陰靈駁邊頭刁斗辛小
休棚上鼓笛姑同樂苦吟久無玉官采盡言深恐朋
友數君豪盛氣欲迴瀾吾哀袖手觀返壑荔蕉堪薦

神送迎葵冬勿妨農烹剝剛腸憤發論尤健枵腹冥
搜詩轉惡先持一事試靈君敢問何年相玉朴

再和

陌頭俠少行歌呼方演東晉談西都哇淫奇響蕩眾
志瀾翻辨吻矜羣愚徂公加之章甫飾鳩盤謬以脂
粉塗荒唐夸父走棄杖恍惚象罔行索珠効牽酷肖
渥涯馬獻寶遠致崑崙奴豈無蘋蓼可羞荐亦有黍
稷堪春榆詩音又由宋切臞翁傷今援古誼通國爭笑翁
守株孔門高弟浴沂水堯時童子謠康衢揚觶姑歆
退觀者鳴鼓本非攻徒吾亦如曼倩負逸氣呵斤佞

倖驚侏儒於時浚村茅柴熟先生滑稽腹如壺雖無
謝郎玉帖盞幸有幼安布裙襦未妨優場開口笑亦
恐菜市逢方壘更闌漫與通德語醉倒聊遣宗武扶
幽冥茫昧莫致詰石言神降果有無翁云天公施罪
福亦如者王賞誅巫咸可使詛楚否泰山會不如放乎
况今民脂積消鑠洋洋如在寧如虛貧婦鮮能具複
禪貴人何必誇重較詩註卿士之車也車之前軾也九重深喜農扈
豐五等超加社公爵更宜迷飛騰前白仍為潛駟山
中駁除入大患捍大菑與民同憂可同樂翁之用心
極惓惓余於致福未教數因思揮金猶糞土奚異棄

物填溪壑神聰聰明靡僭濫詔書溫厚戒推剝重華
漁稼茹茨薇大禹疏鑿衣服惡誰歌此詩送且迎共
挽澆風還太卦

三和

花藍果擔更嗷呼巾幘絢爛車騎都民多逐末少重
本神豈護短仍憑愚厥初捧揭土與木繼以刁割俄
香塗垂旒絕類河求弁照乘得匪龍獻珠嘗聞鄴令
沉巫姬未必顧劭資髯奴阮瞻著論現變恠羅支送
客逢柳榆紛紛誅賄及騙戶往往求福朽珠酒肉如
山鼓笛譟塵飛不見四達衢世無孟子衛吾道河汾

先生亦聖徒記蜡之俗通上古舞雩之詠傳先儒于
昔遊者未觴濫搯攜不過危與壺廼今城郭盡衣錦
肯信里田寒無襦譬如銀海偶生翳忽逢金篦為刮
矚又若眾人舖糟醉壯哉欲以一手扶餘力矣詩來
挑戰知卑鄙陋素備無明鬼首破異端惑觀社兼奮
直筆誅夜出偏師研其壘以杖擊地何神乎推鋒始
欲恣凌鏢斂兵除戒無暴虛靜思神理幽而玄孰若
孔道易且較子揚更闡市罷欲棲鳥人出空巷堪

饗衆共烹君大駁

王君夫有
牛名八百

樂風調已兆

王道行霰集預占祥瑞數先生置之勿復談遂事往
矣舟移壑街頭新酷賤如水孕魚可鱗鱉可剝祝史
懷肉厭苾芬鄰翁邀飲任草惡獨慙絕唱難追攀如
以美玉博鼠朴

四和

寶之三和且
約勿談前事

手援鑿弧先奮呼盛氣直傳人國都屈盤硬語押險
韻有似兵家使詐愚專場自矜此角距點覆軍詎意肝
腦塗堂堂老將號令肅中營外柵如聯珠曾呼項羽
作豎子亦斥李陵為降奴彼望麾幢已披靡此遺巾
幘聊揶揄深藏區脫避石矢密設鹿角埋榘株如猶

後村先生集
則石堂
哆口學張籍俄乃掩面如唐衢毋容奏凱論功級且
可按甲休師徒猷俘奚異獲狄長諱敗謹勿書朱儒
君家人物盛典干或披鶴氅擊唾壺坐觀士稚無鎧
伏冷笑群謝皆袴襦安知出奇電電速靡待掩耳并
瞬矚再哀三竭乃引去裹創飲血自抹扶鐵鎗漫留
姓名在玉塵有益成敗無憑軾姑與君王戲棄甲宜
按軍法誅嘗聞三夫不可狃蜂蠆有毒况國乎嗟余
久矣精銳鏖驅使不禁詩酒虛蟬嘶今懶事章句鯨
吸舊寧論升較磨石胡庭要勒銘策勳轅門因舍爵
備嚴豈慮偏師攻何妨異議駁周公尚存校襍

禮子貢詎知觀蜡樂祈年卜稼信當務崇飲飾游不宜
數弟子服矣嗚吻悲似聽於菟嘯風壑寒瑾戶牖不
敢窺顧惜牀廬愁見剝志士之願在時清窮人所憂
惟歲惡但當擊缶賽蠶官一壺村酒醉揚朴

五和批上有感
平生戲作

少昔弓旌類招呼北走淮水東倍都行街周覽楚之峰
秀游挂頗笑秦城愚篆山帶水雖絕境羊腸魚腹真
畏塗南轅亦涉尉他境烏覩所謂陽燧珠何煩安車
遺使者自有弱馬從奚奴豈惟客與賓戲笑里胥亭
長交抑掄曉露自開槿木花春風不到枯松株東家

夫子吾畏友，同昔失脚青雲衢。居然牽絲入詩社，未肯落托稱酒徒。似曾漢廷招兩生，誰謂魯國惟一儒。貴重羊裘比蟬冕，夸詫齋甕侔冰壺。蘇易簡為甕壺作冰壺先生傳拂衣久拋青袂被，還珠併却紅羅襦。向來泉湧屬文思，老去霧隔觀書矚。隨州城堅未易破，南都壁峻那須扶。羨君繭紵序遊覽，亦或麈尾設虛無。人言名士少，實用天子宰。臣未斥誅憐才不勝欲，殺者加罪豈患無。詞乎十夫衆，口能撓錄彼讒。潛于霜蜂蠹，虛安能書生。事鉛槧亦若輪，人為軫較殘。編尚爾守鉄槩，破硯詎必磨銅爵。甫也尤賞白，清新籍輩妄譏愈。雜

駁機鋒相觸，毋容避。鼓旗傍諫亦一樂，識字信為憂。愚始作文尤忌悲哀，數暮年已學鴛鴦林。徂歲無異蛇赴壑，爐中搯掘聊擅鑿。門外爆竹任偏剝，歸耕何幸逢米賤。息陰本自嫌木惡，猶能談笑走詩筒。絕勝辛苦編制朴。白氏有制朴古觀社行五首，淳祐乙巳亡友王實之唱和者。自實之仙去，社友多短章而少大篇。余亦衰退似此五詩，今不能復作矣。姑不錄，附于新稿。次竹溪所和薛明府鏡中我詩三首。搔白髮，翁疑是假對青鏡。我認為真影，形本合成同。

體夢覺俄分作二人歡至不期開口笑愁來相對捧
心顰可憐但化貪生者芻狗元身學出神

二

物我乖離果孰親色空捏合本非真金戎馬上慙窮
相玉鏡臺中識幻人南北宗禪皆具眼東西施貌各
含顰眉間一點元無喜頰上三毛豈有神

三

幪以衣冠類孫叔被之蓑笠卽玄真未知這漢為誰
子如客他鄉喜故人皓白相看雙鬢禿丹青偏寫兩
眉顰吾聞四大皆虛假曾幻冊書悟谷神

賀黃察院器之

自從慶厯親除後直到咸淳第四年當道豺應驚破
膽通天狐不敢垂涎豸冠本古觸邪義麟筆它時責
備賢八十九翁盲且耄有徂徠頌獻無緣

題福清薛明府太平禾圖

夢桂

聞說琴堂似水清天公產瑞告西成宛如唐牂稱同
穎未羨相如說一莖岳牧定應圖画進朝家昌有壘
書旌儂詩社舞村歌爾讓棠薇卽作頌聲

次韵黃景文投贈三首

身如倦翼晚知還且免羣兒謗務觀官酒灰多寧勿

飲監書字大亦難看頌稱吉甫宣王美帖報殷生宰
相安近世風流惟賀八脫朝冠去着黃冠

二

記聞荒落語詹諄慚愧吾儕肯問津未必夜深埋雪
者得如春暮舞雩人師揚執戟玄猶白學衛夫人字
逼真跳出頤門殊未得堪憐老却苦吟身

三

誰道擣翁未苦衰強扶鶴膝自支持無閒心篆雕賦
下死工夫鍛鍊諸友多遷齒谷木此即今借上林枝
暮齡喜讀君章句平易中間伏怪奇

挽吳君謀少卿二首

昔為樞掾侍延英暮聽臚傳第一聲仙籍香浮廣寒
殿奏篇紙貴洛陽城親逢明主貞千載曾謂斯人止
九卿惟有一端差慰意鶴山大字扁堂名

二

立德尤高似立言常嗟此語欠精論鄴侯架冷惟書
在董子陵荒有策存太息晚猶條世務太招未易返
騷菟薤歌不盡云亡恨直待碑成慰九原

二月八日

百骸豈久堅牢者兩曜寧逃薄蝕哉有玉斧脩圓復

闕無金篋刮膜難開坐跣趺榻塵慵掃手校讎書記
不來辜負持螯把盃興暮年十日九清齋

二

龜筮皆云二月佳愁眉攢之幾曾開不如腐草成螢
燿絕似明珠隔蚌胎咬月蟊何嘗磔死卸泥燕却已
歸來清羸不敢深思索信筆成章一散懷

喜太淵至二首

乾鶴查查得許忙弓寮越境訪溪堂故交有約過安

道季世無人吊卜商

朋友失
明別吊

聊為先儒增管見不煩

太乙下藜光

一作止酒玉山常爽
朝拋書銀海博微茫

要知韓孟新吟否

此則賡酌第二章

二

勅尾詞頭老不任偶逢寸暇惜如金進賡聖製董絃
曲退伴君聯石鼎吟曉漏聞鐘猶共話雪泥躡屐每
相尋而今不辨人顏色坐久琅琅認語音

和竹溪三詩

戊辰二月六日

礮車雲怒激狂瀾只作禪家露電觀抽得元身閑處
著免他冷眼靜中看買山深悔於城近逃席何須待酒
闌昔美少年今皓白懶從日者問支干

昌黎與孟簡尚書書

紛々儒墨互攻排此事吾常體認來一閃嵩山面空
壁一於醜岫撥殘灰賢如顏閔今亡矣古有彭聃安
在哉歲晚雪中逢族子退之至此未忘骸

道興

晚慕玄真與李真床頭金盡不憂貧六如偈簡常持
念四勿箴佳最切身古有德衰年亦暮謂周侯暮年可衰
令誰齒宿意猶新手遮西日過門客來拜龐公者幾人

效顰一首

衰殘悔不早脩真藍縷何須更逐貧諸惡能通三世

業辨香要做再來身先民至死思存漢諡子偷生作
美新俯仰兩問無愧怍有辭可以白先人

題真繼翁司今新居二道

聽雨樓

東云取放翁詩中語

共極堂中聽雨樓誰知華扁有源流追攀應物弁和
仲友愛全真與子由老監情尤鍾冢嗣放翁語亦本
前修文忠百世之標準更向韋蘓以上求

格軒

招鶴山空衿佩散至復以格名軒禮詩學已先傳子
性理書猶密付孫程氏必須通一件申公云不在多

言侯芭老去頭如雪曾受吾師罔極恩

別後寄大淵二首

面削爪黃頭雪白雀羅庭院久深蕪勞煩上客迂童
馬慙愧貧家闕飯芻絕喜緒言聞輔嗣了無齋襯供
文殊定知別後尤精進尋得軒皇所失珠

二

苛留未忍聽驪駒薄具酸寒不可派鄰巷沽來惟飲

汁田家客至具焚枯吾哀異昔中年別中年親友別
作數日惡

子去云誰半夜呼初孔賓敬問伯魚詩礼外過庭亦有

異聞乎

竹溪和予喜大淵至二詩復疊前韵

章子損書洒埽忙軒乃肯過草堂知聞敢望回并
賜文猷難徵夏與商會有神醫為刮膜豈無鄰女肯
分光聾盲常起於音色三復聃書檢欵章

二

力綿思重老難任齒有龍綃蒙有金猶記席前曾見

問安知澤畔自行吟吾聞正始聲初吐輔嗣吐金
聲于中胡子

有元和脚可尋今大宗師惟閣老譚嘶未必不知音

答方俊甫投贈二首元美

抽還手披把隨如井向三家村卜居晚有絕詩題白

下早為選禮倡黃初難沒揚子通奇字却羨祁公學
草書國語一編可傳世何妨左氏失明餘

二

李杜壇高未易扳鯨波浩渺鶴天寬潮音堂上頻升
座日過寮中暫掛單顏子向來曾父孔李翱未可便
兄韓翱祭韓公撰我撰兄行內丹僅足延齡尔若要飛昇必大丹

送玉融周醫

苛留孤月伴長庚無奈殘星欲啟明曾子敦商誠有
罪韓公云籍未嘗盲病深不早迎秦緩貲薄將何謝
宋清客問浚村翁健否呻吟中有句將行周號孤月

征婦詞十首

聞說三邊地今為百戰場君書一二紐妾淚萬千行

二

妾甘為隱服君喜冒先鋒但祝玉閨入寧無石窰封

三

遠書徒攬思歸信屢愆期九卦偏無準燈花未必知

四

寬作三年別安知四序遷可憐容鬢改人有幾三年

五

去時兒在腹忽已語嗶啞何日番休了迎爺兩手叉

六

詩云王赫怒吏說相宣威假使從公旦三年使衰歸

七

燒捺蒙衡艦獲堅雲母車賜君新節鉞還妾旧荆練

八

野雉自双飛離鸞半隻棲君非秋胡子妾是杞梁妻

八

江南絲帛貴塞北雪霜濃莫恨鐵衣冷全裝可禦冬

十

晨起推孤枕夜昨留半衾恐郎渾忘却萬一夢相尋

商婦詞十首

嫁作商人婦牙籌學笑商元來有胎教生子肖弘羊

二

今夕佳風月身同影守房藁砧定何處皮裹鐵心腸

三

圖南倭舶透敗北推場開妾貌不長好君行何日回

四

域含沙射影鰐以尾勾人不是妾饒舌願言君愛身

五

客夢嫌雞早歸心恨馬遲感君留半鏡教妾畫新眉

六

月夕孤單女天涯放逐臣偶逢顧曲客忘却買客人

七

粉堞五七里青帘三四家客沽北府酒女唱後庭花

八

道遠書筒少昔難旅橐垂花飛春事過柳暗曉妝遲

九

昔夢隨君去猶疑在我傍素態傾國色旋學入音妝

十

自說居奇貨人知有敗心相如小商爾賣賦得千金

古宮詞十首

妾意慙如昔君心苦不常未聞求故劍別有獻明璫

洛神賦獻江
南之明璫

二

妬亦常情爾長門謹太深猶將金買賦萬一帝回心

三

溝水通宮苑冷冷去復回無人漏言語紅葉是良媒

四

年年花鳥使選色進深宮不論妾心赤惟看妾臂紅

唐人詩云中學字庭
前寒教即見赤心

五 總帳渾如舊何曾奏伎來君王不終惠留妾在空臺

六 玉輦臨前殿方陳角觚嬉如何能犯蹕僅有一昭儀

七 河必閉山遠涼風在殿西簫聲猶裊舞袖忽淒淒

八 君恩如紈扇惟恐值秋風方喜入懷裡安知棄篋中

九 八伐更相禪林文北面蕭不如文惠妾垂淚記前朝

十

妾性尤柔順相看滿面春安知時態薄偏妬入宮人

處士妻十首 黔婁

一 死無衾覆首貧乃士之常婦謚為康子何須問太常

二 接輿

王遣金駟先生已許王徙家變名姓非獨接輿狂

三 於陵

何必如郎伯區，祿萬鍾辟纊并織履足了一生中

四 老萊

王將托一國自駕請先生門外車跡眾萊妻投畚行

五 梁鴻

嫁與張京兆新眉掃黛濃不如伯鸞婦長伴藁砧春

六 姜詩

愛子死於汲常情鮮不悲賢哉孝廉婦哭恐阿姑知

七 樂羊

遺金不知主視若盜泉然相與棄之野婦賢夫亦賢

八 龐公

當日猷皇后逃生屋壁間何如伴龐老同入鹿門山

九 陶潛

自從冀缺後饑婦有誰歟翟氏羞清苦肯同失荷鋤

十 楊朴

夫出隨羔鴈妻憂往不還別詩真善譔帝笑放歸山

縱筆六言七首

少目才高戶大暮年酒聖詩豪且教兒童精選誰能
奴僕命騷

二

古調不同俗調後儒多先異儒美蔡中郎幼婦呵鄭
司農老奴

三

學射必百發中觀棊爭三着高一洗萬馬巨人

一 釣六鼇

讀過書皆遺忘老來詩愈顛狂不獻貴人夾袋盡入
奚奴錦囊

五

佛經六十餘卷明書八十一篇今為二氏學者我則
兩端竭焉

六

精衛啣石填海醯雞以甕為天拊石鳳翔千仞
龍沕九淵

七

從我轍環衰世有誰鼓瑟暮春高弟勇浮海者聖師
與浴沂人

有嘆

方喜鳳蕭吹協律忽驚鸞鏡黯無光入君懷袖初蒙
幸著主衣裳外不忘陌上野遊多薄倖閨中婉孌有
剛腸落花滿地無人掃自是春來懶下堂

落卷怨十首

昨日十分春今朝幾聚塵可憐傍輦者有愧墜樓人

二

輕薄防歌扇回旋戀舞衣不愁無地葬猶擬上天飛

三

越公多美妓衛尉足名姝無計留紅拂傷心墜綠珠

四

滕牀死千載犹存蛺蝶囹狂風一夕起盡化作青蕪

五

春去花開謝君王豈復知不如劉項際猶有葬虞姬

六

開遍千紅紫東皇力最多朱明笑青卉無奈百花何

七

天女殷勤散風袂傷憇空兒童掃落葉蜂蝶抱枯叢

八

徐庾空浮艷何曾有一篇我朝惟二宋絕唱兩三聯

九

已費栽培力又為膏沐容花神渾忘却將謂屬東風

十

謝女吟邊絮英臺去日衣不應零落盡惟見蝶兒飛

釋老六言十首

一

惠能鉄葉漆布瞿曇今棺茶毗若道老君不死未知

秦失吊誰南華云老聃死秦失弔之

二

應真渡揭厲水箇七皆以杖扶長江千里天塹詎能踏一枝蘆

三

道家事頗恍惚稗官書多恢諧帝居非若溷也天上豈有廁哉

四

一筆受楞嚴義三書贈大顛衣取經煩猴行者吟詩輸鶴阿師

五

九萬里搏而上三千秋鳴相酌未免為二壘笑誰能作雙鳥囚

六

或說自生乾至或云先混沌生貌似金毛獅子心疑白蝙蝠精

七

今無尋師重趺古有求人宿春道在青牛闕外經來白馬寺中

八

吾嘗評石鼎詩蓋出一手所為若使彌明能道唐朝
有兩退之

九

惠燈回照覺性靈丹難活肉身世無伶俐衲子天有
愚懵仙人

九

叅請燒丹方士瞻相多寶如來聞丹竈有聲裂入寶
山空手回

後村先生大全集卷第四十三

第 35415 号
平成 3. 11. 22
聖和学 928
園短大 3
図書館 10

第	21479	第
號	3118	號
		等
		味
		望
		大
		國
		書
		閱

秀

